

مشتاقنامه

محل مطبعه و اداره :

جغال اوغلانده امنيت
صندوغی جوارنده
شنکول يقوشنده
۲۷ نومرو

افطار :

مسلكمزه موافق آثار
جدیده مع الممنونیه
قبول اولنور

درج ایدلمه یین آثار اعاده اولنماز

دینه ، فلسفه ، علوم ، حقوق ، ادبیات تاریخ ، سیاست و بحال و شئونه اسلامیه و بحث ایدر و هفتده بر نشر اولنور .

آبونه بدلی

صاحب و مؤسسلری :

درسعادتده نسخه سی ۵۰ پاره در

ابوالعلا زین العابدین - ح . اشرف ادیب
تاریخ تأسیسی

قیرلمه دن مقوا بورو ایله کوندریلیرسه سنوی
۲۰ غروش فضله آلتیر

۱۰ تموز ۳۲۴

سنه لکی	التی آیلنی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

بشنجی جلد

۲۲ ذی القعدة پنجشنبه ۱۱ تشرین ثانی ۳۲۶

عدد : ۱۱۶

شون

دولت عثمانیه :

ژاپونیا به طلبه اعزامی

فقیر لر مزك مسكننته ، زنكینلر مزك بخلنه ، جیسانته باقدقجه متأثر اولدقدن باشقه وطنك آتیس حقتده کی پارلاق امیدلر من سونمك درجه سنه کلیور . برکت ویرسونکه آرده صیرده کوردیکمز بعض استثنایات بزه یکیدن بر جسارت ویریور .

شیمدی به قدر اک خیرلی ، اک معزز مقصدلر اوغورنده بیکلرجه لیرالر صرف ایتدیکی حالدده اسمنك بیلمسنی ایستهمین بر ذات محترم بش اون کون اول ژاپونیا به اکال تحصیل ایچون اوچ طلبه کوندردی . روسیه - پور آرتور طریقله کیده جک اولان بو افتدیلر شیمدی یولده بولنیورلر .

آوروپا به فوج فوج طلبه کوندریلورکن شرقك اک مترقی ، اک جدی بر قطعسی اولان ژاپونیا به - با خصوص حکومتجه مناسبات حسنه تأسیس ایدمك ایستهنیلن بویه بر دورده - طلبه کوندرلمسندکی اصابت آشکاردر . شو علو جنابندن طولانی ذات مشار الیهی اک صمیمی بر صورتده تجیل ایدرک اک اوزون بر عمر ایله معمر و بویه بر تشبثات خیره مظهر اولسنی تمی ایلرز .

امام محبی . - امام ، استانبولده کی رجال حکومت ایله مذاکره ایدرک آراده کی اختلافی ازاله ایتک ، یمده قان دو کوله سنه میدان ویرلمه مک ایچون بر هیئت کوندریورمش . مصر مطبوعاتی اون کون اول سویشه واصل اولان بو هیئتک اعزامی ایو بر نظرله کوریورلرده حکومت عثمانیه نك حیثیتی ، حاکمیتی نقطه نظرندن قبول ایدمه جکی بر طاقم مطالبده بولنمازسه نتایج حسنه استحصال ایدله جکی سویلیورلر ، انشاءاه ، ایچلرنده صنماء ، یمن نائب فاضلری کی مبعوثلر بولنان بو هیئت مقصود اولان خدمتی ایفایه مقتدر اولورلر .

عجباً طوغرمی ؟ - استانبولدن پترسبورغك «نویه ورمیا» غزته سنه چکیلن بر تلغرافنامه ده شویله دنیلور : «حکومت عثمانیه والیر بر تعمیم طاغیده رق جزائرلی وتونس لیلرک بعدما فرانسه تحت حمایت سنده طانیله رق ، اوکا کوره معامله ایدلمسنی امر ایله مشدر . بوامر ، تورکیه ایله فرانسه آره سنده کی استقراض مذاکره سنك موفقیتسزلکله نتیجه لمه سنی متعاقب اعطا اولمشدر .

عمانی حکومتی ، سنه لرحه سورن مکالمات سیاسی به رغماً شیمدی به قدر ، فرانسه به بو حق تسلیم ایتمه مشدی . شمدی بوکا روی رضا کوسترمسی استقراضك عدم موفقیتندن ناشی دلکیر اولان فرانسه افکار عمومی سنی تطیب ایچوندر .

صراط مستقیم - استانبول غزته لرنده بوکا هیچده بکزدمه ین ، نیم رسمی بعض خبرلر کورلمشدی . نجبا او خبرلری طوغری ایدی ، یوقسه بو تلغرافنامه نك مندرجاتی ؟ بو بابده کی افکاریمزی ، بر قاج

سنه یتیسورده حالا وعدلری ایفا ایدمه جکلر . ذاتاً اولنر بو وعدی چوقدن اونوتدیلرده الیرینی مصرک یاریسی دکلمه بیه هر حالده او قطه دن بر جزؤ اولان سودانه اوزاتدیلر .

انکلیزلره وعدلری اخطار اولندقجه بر طرفدن ملتک هیجانه قارشى حکومت مصریه نك ، دیگر طرفدن حکومتک مظلانه قارشى ملتک انکلیتره اشغاله احتیاجی اولدیغنی ایلر سوردیلر . ده صکره کندیلرینک مصر دن چکلمسی مصر لیلرک کندی کندیلرینی اداره ایدمه بیه جک برسویه به یوکسلمه سنه متوقف اولدیغنی درمیان ایتدیلر . بری برینی نقض ایدن بوا دعالرک آلتندن شرقیلرک بر حکومتی اداره قابلیتنده اولدیغنی ، مسلمانلرک مدنیت غریبه ایله توفیق ایدله میه جکی میدان قویه رق کندیلرینک الی مشاءاه مصرده قاله جقلرینی تصریحه قدر واردیلر . بو کون ایشیدییورزکه وقیله بز مصر لیلره قارشى ایدیلن عهدلر ، وعدلر ایرانلیره قارشى ده دریغ ایدیلمیور . اوت انکلیزلر ایرانک جنوبیه صوقولقدن صکره « انکلیتره حکومتی ایرانک نه طور اغنه ، نه ده استقلاله کوز دیکمش دکلر . مقصدی ایران حکومتک نفوذینی اعاده ، استقلالی محافظه ایتمکدر دییورلر . بز بو رقیق سوزلری ۱۸۸۱ سنه سنده طویمش ، لکن ۱۹۰۶ ده کرک لورد قرومرک ، کرک بشقه لرینک لسانندن بستیون ضدینی ایشتمشده . دیمک ایرانلیرده بزم مصاب اولدیغمز تهلکه قارشوسنده بولنیورلر .

بز ایجه اوکرندک انکلیزلرک وعدلرینه ، عهدلرینه کوونمک شعاع شمسه صاریلورده سهایه حقیقه بکزر ! شمدی رفیق مصائبک اولان ایرانلی قرداشاریمزه شونی توصیه ایدرزکه بزم مصاب اولدیغمز فلاکتدن عبرت آلسونلرده ال اله ویره رک جنوبده کی انکلیتره نك شمالده کی روسیه نك چکلمه سنه چالیشسونلر .

وعدینی ایفاده بوقدر آغیر داورانان انکلیتره نصل تهدیدینی میعادندن اول ایقاع ایدرک جنوبی ایرانه کیردیه اوله جه کندیسندن ده سوزینی یرینه کتیرمسی طلب اولنمیلر . حریت اوغورنده ، وطن اوغورنده قانلرینی دوکن ایرانلیلردن بکله نیان بودر .

مصر مطبوعاتی بو کون آوروپاده آلتی یوزدن فضله مصرلی طلبه تحصیل علوم و فنونده بولندیندن بحث ایدرک بولنرک بر قاج سنه صکره بر قاج بیکه واره جفتی ، وطنلرینک کندیلرندن بیوک بیوک فائده لر کوره جکی یازیورلر . هله بو طلبه نك ایچنده زنکین اولادلرینک اکثریتی تشکیل ایتسی ایلورده بیوک بیوک تشبثاتده بولنه جننه بر ضماندر دییورلر .

اوله تمی ایدرزکه مملکتک استقباله خادم یاخود حاکم اوله جق بو کنجبلر اوروپاده کی تحصیل سنه لرینی کندیلرندن امید اولنان ، بکله نیان بر صورتده کچیرسونلر ، کیجه ینی کوندوزه قاتوب چالیشسونلرده وطنلرینه اورالردن علم و عرفان کتیرسونلر . یوقسه اوروپادن کتیره - جکلری شیلر اجنبی بر لسان ایله بلاد غریبه نك ترقیات فوق التصورینه ، ممالک شرقیه نك آله بیلدیکنه انحطاطنه دائر بر ییغین لافدن عبارت قاله جقسه بوکا دینداشلق وطنداشلق نامه تأسف لرایده رز .

دفعه‌لر يازمش اولديعمر دن يالكر سؤالي تكرار ايله اکتفا ايدوروز :
طوغریمی ؟

روسیه :

روسیه مسلمانلرینلر محافظه ملبیت هرادرلری و روسلرک برلر مقابله سی —
روسیه مجلس مبعوثاننده مذاکره ایدیلان مکاتب ابتدائییه قانوننک
ملیتلرینی محو ایده جک ، استقبال دینیلرینی تهدید ایلله جک برماهیتده
اولامسیچون روسیه لی مسلمان قارده شلریمزک آچیدقلى جهاد ملی
حالا دوام ایدور . بر طرفدن دوماده بولنان مسلمان مبعوثلری
ایراد نطق ایدورلر ؛ دیگر طرفدن بوتون اهالی مسلمان ، بولندقلری
مواقعه بیوک بیوک میتینغلر عقد ایلله ، قابینه رئیسینه ، مجلس مبعوثان
رئیسینه ، مکاتب قومیسونی رئیسینه تلغرافنامه لر ، عریضه لر کوندریورلر
میتینغ عقدیله حکومته مراجعته ، کوییلر ، شهرلیردن هیچ کیری
قالیور . کنیش روسیه نك هر طرفندن کلن بوقوی آواز اعتراض
واشتکایی نهایت مجلس مبعوثانک فرق مختلفه سی نظر دفته آلمق
مجبوریتی حس ایتشلردر . پترسبورغک بیوک جریده لرندن «ره چ ک
استخبارینه کوره ، حائر اکثریت اولان اوکتوبریست فرقه سی ،
شووه ناککنه رغماً ، اکثر طلبه سی مسلمان اولان مکاتبده درت
سنه کندی آنا لسانلریله (یعنی تورکجه) تدریساته مساعدده اولنق
اوزره قانونک تعدیل ایتدیریللمه سنه لزوم کورمشدر . عزم اتحاد
ایله ایدیلان حرکتلر دائما مشمردر . مسلمانلر جدی ، ثباتی و متحد
حرکتلرینک نتایجی کورمه یه باشلا یورلر دیمکدر . ثبات و دوام
قارده شلر ، موفقیت باذن اه ، سزکدر .

لکن مسلمانلرک بویله اثر حیات کوسترمه لرندن بر طاقم جرائد
اصلا خوشنود اولیورلر . بر روس غزته سی صوک فعالیتلرندن
شکایتله شویله یازیور :

« مسلمانلر اتحاد ایدور ! مجلس مبعوثانده روسیه مسلمانلرینک
حیاتیه علاقه دار بر مسئله مذاکره یه قونولدی ، بو مسلمانلرک
جمله سی او مذاکره یه غایت فعالانه قاریشمق لزومنی حس ایدییورلر .
کچن سنه یوم تعطیلک انجق بازار کونی اولسی قانون موقع مذاکره یه
قونولمشدی ، درحال قزان ، اورنبورغ ، اوفاء ، ترویسکی الخ شهرلرینک
اهالی مسلمانیه سی بر آغزدن بونک علیه شدت و هیجان ایلله پروتستو
ایتدیلر . شمدی دوما تدریسات ابتدائییه قانونیه مشغول ؛ ینه
بالجمله روسیه مسلمانلری حرکت کلدی . بوتون بووقایع مملکتیمزک
اک فعال ، اذی حیات بر عنصری مسلمانلرک اولدیغنی آچیق کوستریور .
روسیه ده یکی اصول اداره نك وضعندن بری ، مسلمانلرک تنبل
حیاتی تماماً دیکشدی . عظیم بر فعالیت کوسترمکده اولدینی کبی دیگر
مسلمانلرله برلشمه یه ده چالیشیورلر . و مسلمانلرک بتون بو فعالیتلرینه
اک چوق خدمتلر ایدن ، مکمل جرائدیر . »

روسیه ده اهترا — روسیه داخلیه نظارتنک نشر ایتدیکی رسمی
ایستاتستیکه نظراً ۱۹۰۵ سنه میلادیه سندن بوکونه قدر الی بیک خرسیتیانک

دین مبین اسلامه مشرف اولمش اولدینی آکلاشیلیور . هر سنه اون بیک
خرستیان اهتدا ایلمش دیمکدر . فوق العاده مسرور اوله رق ازدیادینی جناب
ارحم الراحمیندن استعدا ایلهرز .

با کورده ایرانه تقسیمی علیه یه میتینغ — قافقازیانک باکو شهرنده
ساکن ایران تبعه سی بیوک بر میتینغ عقد ایده رک انکلترونک معلوم نوطه سی
علیه نه پروتستو ایتشلردر .

مسلمانلر تفضیلات . — قریك مرکز اداره سی اولان آق مسجدده
بر قاچ معتبر مسلمانک اولری ثمری اولمشدر . یالطه سنجاغنده بر قاچ مکتب
ایله معلملرینک اولری ده تحری و تفتیش اولنوب ، استانبول باصمه سی کتابلر
کاملاً مصادره اولمشدر .

§ آق مسجد شهرنده کلن مسلمان رشديه سی قاپادیلشدر . مکتب
جمعیت خیریه اداره سنده ایدی . ایچنده یوزی متجاوز مسلمان چوجنی
اوقیوردی . بناسی یکی ، اصول تدریسی مکمل ، اسباب تدریسیه صوک
سیستم اوزرینه ایدی .

§ « کاسی » رفیقمرده اوقودق که آق مسجد رشديه سندن غیری ، ده
یدی مسلمان رشديه سی ، حکومتک امریله سد ایتدیریلشدر .

§ چین حدودنده کائن غولچه شهرنده مسلمانلر طرفندن آچلمش مکتبی
حکومت قیادتیرمشدر .

§ قریمده یالطه سنجاغنده مسلمان مکتبلرنده تفتیش و تحری واقع
اوله رق تورکجه درس کتابلری طویلاتیمشدر .

§ اورنبورغ نواحیسندن « ایمانقول » ده مدرسه اسلامییه ، ضابطه
طرفندن سد و بند اولمشدر .

آفریقای اسلامی :

آفریقا مسلمانلری مسئولیلری قوغمورلنی طویورلر . — فزان
سنجاغنک تبور رشاده قائمقاملنک جنوب جهتنده کی صحرای کبیر کندرکاهنی
ضبط و اشغال ایدن فرانسه قطعه عسکریه سی اوزرینه کچنلرده فرانسه عسکری ایلله
واقع اولان مصادمه ده دارفور حوالیسینه رجعت ایدن وادای قطعه سنک حاکم جدیدی
کلیتی تیو و دارفور قبائلی ایلله قوتی ترییدایده رک یکیدن تجاوز ایلشدر .
هجوم بک ناکهانی و شدتلی بر صورتده وقوعه کلش اولدیغندن فرانسه عسکری
اوج یوزی متجاوز تلفات ویره رک مواقع مذکورده بی ترکه ورجته مجبور اولمشدر .
فرانسزلرک بودفعه کی رجعتی وادایلیرک جسارتی وحوالی مذکورده کی نفوذلرینی
تقویه و تزیید ایتدیکندن یکیدن فرانسه مواقعه هجومه حاضرلنمده درلر .
فرانسز عسکری جانت استقامتنده تونس حدودینه طوغرو ایام اخیرده ضبط
واشغال ایلش اولدقلری مواقعی تخلیه و بلوقهاوز ترتیبده انشایلش اولدقلری
قره غوللری احراق و تخریب ایلله چکیمکده درلر . بوخبر تبور رشاده قائمقام
ملفندن مرکز ولایته وقوع بولان اخبارات ایلله دخی تأیید ایلکده در . وادایلیرک
اکثریسی غرا ومارتینی تفنگکرله مجهز درلر . قبائلک فرانسزلر علیه نه کی
بوقیای فرانسه عساکرینک هیچ برحقه مبنی اولیه رق اوحوالیده علی التوالی
ایلرلکده اوللرندن و سنوسی مشایخنک اهالی محلیه یی تحریک ایللرندن ایلری
کلکده در .

وادای حاکم جدیدینک فرانسه عساکرینه فارشی واقع اولان غلبه سی
فرانسزلره تبعیت ایلله نقلیه و سائر خدماتده بولنه رق فرانسه مفرزه لرینک صحرا
جهتنه واقع اولان حرکاتده خدمات فوق العاده ابراز ایدن (آبر) منطقه می
توارقلرینک دخی فرانسه دائرة اطاعتدن چیقارق وادایلیرله التحاق ایللرینی
موجب اولمش و فرانسه عساکرینک کری به رجعتلری خصوصی دخی کسب
صعوبت ایلشدر .